
Барча ташкилот раҳбарларининг виртуал қабулхоналари 25 февралга қадар ёпилади

Вазирлик ва идоралар сайтида 25 февралгача раҳбарларнинг виртуал қабулхоналари ёпилади. Уларга ариза, шикоят ёки таклиф билан энди Ўзбекистон президенти Виртуал қабулхонаси сайти орқали мурожаат қилиш мумкин бўлади. Бу ҳақда kun.uz сайти хабар қилмоқда.

Аввалроқ 1 февралдан президентнинг янгиланган виртуал қабулхонаси pm.gov.uz интернет манзилида тест режимида ишга тушгани хабар берилганди. Унда ҳар бир фойдаланувчига шахсий кабинет очиш, кўп бериладиган саволларга батафсил жавоб олиш имкони яратилган. Виртуал қабулхона янги дастурий тизимида фуқароларга қулай бўлган шаклда турли муаммо ва масалалар бўйича малакали юридик ёрдам берилишини таъминловчи «Онлайн маслаҳатчи» модули яратилди. Бу модул «Кўп бериладиган саволлар» бўлими билан ҳамроҳликда ишлайди.

Давлат органлари раҳбарларининг онлайн-қабулхоналари иши тўхтатиш функциялар такрорланишидан қочиш имконини беради, мурожаатларни кўриб чиқиш устидан назоратни кучайтиради ва жараён самарадорлиги ҳамда шаффофлигини оширади.

манба: kun.uz

2018-02-20 17:51:09